



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Ravennatia.


[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

THEMISTII BYZANTINI,

Philosophorum sua tempestate Principis; reliquum Sigif. Pandulphus Malatesta Pand. F. belli Pelopon. aduersus Turcarum Regem Imperat. ob ingentem eruditorum, quo flagrat, amorem, huc adferendum, introque mittendum curauit. M. CCCC. LXV.

IBIDEM.

ROBERTI VALTVRII, qui de re militari **XLI**. libros ad Sigismundum Pandulphum Malatestam accuratissimè scripsit, quiq̃ Roberto Malatestæ F. comitate insigni, facundia atque fide carus exstitit, Pandulphus Malatesta Robert. F. Sigismundi N. adhuc impubes, officij memor, hoc monumento B. M. ossa condi iussit. Vixit annos **LXX. M. VI. D. XVI.**


 RAVENNATIA.

IN RAVENNAM IVL. CAES.
SCALIGER.

Prima per AEmathias quondã vetus edita siluas
Adriacum secuit Thessala prora sinum:
Desertumq̃ue solum, tristiq̃ue informe palude
Munijt: atque vrbis nomen habere dedit.
Hac belli sedes, gelido cum miles ab axe
Proruit, & Graios expulit inde duces.
Hinc sedet Illyrica prospectans praelia Nereis
Ionius reduci cum tunc estus aqua.

Hinc

RAVENNATIA.

139

*Hinc oculus superiq, maris, terraq, iacentis
Excubat, hinc durus vtraq, meta viris.
Si iungas solida & liquentia marmora terra:
In medio, tanquam cor, metuenda iacet.*

AD S. VITALEM.

IACOB. ARIGONIVS heic situs est. Hominem mors exstinxit anno ætat. suæ LIII. sed exstinxit vno in homine multas virtuteis: artis medicæ scientiam eximiam; perpetuam in omni vita continentiam: deniq; pietatem in Deum, humanitatem in omnes homines mirificam: quæ sublata ex oculis vigeant in animis memoriaq; multorum. Iac. Arigonius nepos ac Medicus P. &c.

IN D. FRANCISCI.

P. NVM. CARD.

*Lingua habui Charitum, cor Palladis, ora Dionosæ
Non perij, mors est splendida vita bonis.*

ALEXANDRO TRABERO.

Nat. Sueuo, Equ. Cæsareæ militiæ & Pontificis in Prouincia Flaminia duci solertissimo, qui per annos 40. virtute auita, generis antiquitate & prudentia, Regum Principumque in Italia & Germania indefesso studio castra secutus est, cum laude victoriæ signa reportans, fato Rauennæ extinctus, hîc summo mœrore, sexagenario maior, deponitur. Tota cohors Germanica officij ergo B.M.F.C. M. D. XLI. XII. Cal. Ianu.

RASPANORVM.

Ex nobiliss. familia patritio insigni RASPANO,
I 5 cuius

RAVENNATIA.

cuius inuicta virtus solâ prudentiâ superata est.
 Vixit ann. XLVII. ac IULIO F. Equ. insigni, non
 minus matri caro, quàm illustribus viris grato,
 virtute, ingenio, moribusque raris decorato, quie-
 tis publicę conseruatori; quo orbata ciuitas, non
 sine bonorum omnium mœrore valdè ingemuit.
 Vixit annos XXIV. MINORAEQUE filię dulciss.
 ac pudiciss. mira indole præditæ: vixit annos
 XXVII. IOANNA RASPONA Coniux, & ma-
 ter in ytraque fortuna, magnæ virtutis inuictique
 animi mulier, pië POS. Anno salut. humanæ M. D.
 XXXVII. Mense Nouembri.

Viator, si quid in humanis veri est, hîc comitas,
 liberalitas, hîc decus patriæ sepultum est. menda-
 cium putas? famam consule. O STASIO RAS-
 PANO viro dextrâ pectoreque fortissimo, Ponti-
 fici, omnibusq; Italiæ principibus cariss. RASPO-
 NA domus mœstissima B. M. P. C.

DIES DIEM INDICAT.

POSTREMVS DE OMNIBVS.

DANTIS POETAE.

*Iura Monarchia, superos, Phlegethonta, lacusq;
 Lustrando cecini, voluerunt fata quousq;
 Sed qui a pars cessit melioribus hospita castris,
 Auctoremq; suum petijt felicior astris;
 Hic claudor DANTE'S Patrijs extorris ab oris,
 Quem genuit parui Florentia mater amoris.*

VIRTVTI ET HONORI.

*Exigua tumuli DANTE'S hîc sorte iacebas,
 Squallenti nulli cognite penè situ.*

At nunc

RAVENNATIA.

139

*At nunc marmoreo subnixus conderis arca,
Omnibus & cultu splendidiore nites.
Nimirum Bembus Musis incensus Hetruscis,
Hoc tibi, quem inprimis hac coluere, dedit.*

A RAVENNA DVOBVS VEL III.
MILLIARIBVS IN COLUMNA
faxea.

In latere quod respicit Ariminum.

Heu cladem horrendam! hic ille percelebris
ager est, viator, in quo acerrimè vtrinq; pugnan-
tes xx. hominum millia conciderunt.

Inferius ibidem hoc distichon.

*Hac petra Petrus donat donatus Iberos,
Gallesq; hic casos, Casus hac memorans.*

VERSUS RAVENNAM.

Reiectus ab oppidanis, amnem illac traiecit, aci-
es instructas huc duxerat, cum Prorege Hispano,
Pontificioque exercitu indicto configit.

PAULO INFERIVS.

Paulo IIII. Pont. Max. sedente,

P. Donatus Casius Episc. Narn. viriusque sig-
naturæ Referendarius, dum AEmiliæ præsideret,
locumque hunc conflictus Ravennatis celebritate
clarum diligenter explorasset; ne tantæ rei memo-
riam vetustas temporū aboleret, hoc erecto mar-
more conseruandum curauit.

VERSUS FLVMEN.

Heus viator, illic trans flumen castra metatus
OLGASTVS FOISSEIVS Gallorum Ductor Ra-
uennam oppugnat, murum aperit tormentis, &
conatur irrumpere.

SENA.

SENARIJ INFRA SCRIPTI

Videbis hospes huc parum attollens caput,
 Inscriptus iste quid velit lapis sibi.
 Recenset illam nempe cladem maximam
 Galli atq; Iberi exercitus, AEmilianam
 Quae penè totam maculauit sanguine.

IN QUARTO LATERE VERSVS Fo-
 rum Liuji.

Hinc post cruentam Gallorum victoriam GA-
 STONE perempto, Hispanorum reliquæ euaserunt.
 Postremò capitur Rauenna à victoribus, ac deri-
 pitur. Abi.

INFERIUS.

Gesta fuerunt hæc prid. Id. April. anno à partu
 Virg. supra sesquimillesimum duodecimo. Iul. II.
 Pont. Max. Christianam Rempubl. gubernante.



V E N E T A.

IN VENETIAS IUL. CAES.
 SCALIGER.

Rerua Barbaricis tellus OEnotria turmis
 Pertulit impositi pondera dira iugi.
 Ipsa suos fleuit populares Roma Quirites:
 Sensit & indomita noxia tela manus.
 Haud tulit hoc Genius: cuius fatalibus ausis
 Tutior in medio Roma renata mari est.
 Clara virum virtus animo: insatiata cupido
 Imperij: vasta non numerantur opes.

Iuppi-